

Ernest Lluch
Kultur Etxea

20 **DK** memoria
24



ERNEST LLUCH

Kultur Etxea

Kultur etxeko programazioa oparoa izan zen 2024an eta, ohi bezala, bereziki aipagarria izan zen literaturari, pentsamenduari eta gaurkotasunari eskainitako tartea. Kultur Etxearen inguruan egiten ari diren hirigintzalanek ez zuten murriztu erabiltzaileen asistentzia nahiz eta, pasa den urtean, Realeko partiduak eta Anoetako kontzertu jendetsuak zirela-eta Kultur Etxeak behin baino gehiagotan atek itxi behar izan zituen.

2



Ikastaroak

Ikastaroei dagokienez, 2024an ere erabiltzaileek gogoz ekin zioten literatura, poesia, ipuingintza, geopolitika, gaurkotasuna, ongizatea eta inguruneari buruzko hainbat tailerrei; **1.300 ikasle** baino gehiago matrikulatu ziren **2023-24** ikasturtearen hasieran. Aurten, **Iñigo Artamendiren** *Análisis de la actualidad internacional* ikastaroan hirugarren taldea sortu zen, eta **El Orden Mundial** kolektiboaren *Conflictos geopolíticos en una crisis global* saioak ere bikoiztu egin ziren; bi horiek izan ziren, hain zuzen ere, ikastarorik jendetsuenak. Horietaz gain, egile-ikastaroak dira Ernest Lluchen bereizgarrietako bat eta izen handiko tailerrak eskaini ziren, hala nola, **Karmelo C. Iribarren**, **Beñat Sarasola**, **Mafalda Saloio**, **Luisa Etxenike** edo **Iñigo Ansorena**, besteak beste.



Martín Caparrós, Literaktum © Iñaki Rubio

Literatura eta pentsamendu kritikoa

Hainbat liburu aurkezpen eta solasaldi egin ziren urtean zehar, literatura ardatz hartuta.

Udaberri partean, **Bilintxen menda** jaialdian, **Jon Sarasua** eta **Xabier Euskitze** bertsolaritzaren inguruko hausnarketa egin zuten eta txapelketako edukiei begiratu bat eman zioten. Ekainean, Donostia Kulturak Realarekin batera egiten duen Korner jaialdiaren baitan, **Juan Tallón** eta **Joxean Muñoz Mikel Chillidarekin** berbetan aritu ziren *El artista que fue portero* solasaldian.

Udazkenean, berriz, Literaktum jaialdiaren baitan hitzordu interesgarriak izan ziren areto nagusian. Aurten lehenengo aldiz, **Literaktum aperitifa** egin zen **Ander Izagirre** eta **Martín Caparrós**en eskutik, non azken honek bere memoriak aurkeztu zituen. Ondorengo saioetan, **Fatma Aydemir** idazle turkiar-alemaniarra *Demonios* bere lehenengo eleberriri buruz aritu zen **Luisa Etxenike**ekin, **Iñigo Aranbarrik** eta **Unai Elorriagak** azken honen *Francesco Pasqualeren bosgarren arima* liburuari buruz jardun zuten, **Joseba Sarrionandiak** *Karteletrak* erakusketaren bisita gidatu laburra egin zuen **Aritz Gorrotxategi**ekin batera, eta Olga Grandek **Fermina Cañaveras** elkarrizketatu zuen, haren *El barracón de las mujeres* lehenengo liburuari buruz.

Abenduan, **Garazi Albizuak** *Termita* bere azken eleberria aurkeztu zuen kultur etxean.



Fatma Aydemir, Literaktum © Iñaki Rubio



Exposición 10 años en cartel

Zientzia

Ezin ahaztu azken urteetan garatutako zientziaren arloko bi zikloak. Bata, **Donostia International Phisics Centerrekin** batera, **Zientziaren bide berriak** izenpean antolatutakoa eta punta-puntako gaiak jorratu zituen. Bi hitzaldi egin ziren udazkenean: lehenengoa, euskaraz, **Aran García Lekueren** eskutik, nanozientzia eta teoria kuantikoari buruz; bigarrenean, **Gustavo Schwartz**-ek *Mapeando la cultura* proiektua aurkeztu zuen.

Beste zikloa, **Elhuyarren** eskutik eta **Ana Galagarrak** aurkeztuta, **Emakume zientzialarien argitan** euskarazko zikloa. Urtean zehar sei ekimen gauzatu ziren eta jorrotutako gaiak, askotarikoak. Udaberrian protagonistak izan ziren **Miren Altuna**, zeinak Alzheimerraren diagnostikoan eta tratamenduan egindako aurrerapenak jorratu zituen; **Arantxa Etxeberria** eta *Filosofia, zientzia eta bizidunak* elkarrizketa, eta **Aitziber Sarobe**, jasangarritasuna eta trantsizio ekologikoari buruz aritu zena. Udazkenean, aldiz, **Laida Arbizu** filosofoa negazionismoari buruz aritu zen, **Olatz Ortega Vidalesek** *Herritarren zientziako proiektua, nola egin?* saioa aurkeztu zuen eta **Alaitz Etxabide Etxeberria** material berriztagarriei buruz aritu zen.

Erakusketak

Kultur etxeak zazpi erakusketa hartu zituen. Otsailean, **Space girls, space women** bilduman, espazioari begiratzen dioten neskatila eta emakumeen argazkiak aurkeztu ziren, **Parisko Sipa Press** fotokazetaritza agentziak eta Europako Espazio Agentziaren eskutik. Martxoan, **Poesialdiaren** barruan, **Juan Manuel Uriak** eta **Ángel Unzuk Improptu** erakusketa aurkeztu zuten, tintarekin egindako marrazkiez osatua. Ondoren, **Korner** jaialdian, **Eduardo Chillida, denbora eta espazioa gelditu zituen atezaina** erakusketa egon zen ikusgai, futbolaren eta artearen arteko lotura iraunkorrak agerian uzten dituen. Abuztuan, paralinpiar jokoen harira, **Tokyo, asfaltoa eta podiuma** erakusketa ekarri zuen **Juan Armentia** argazkilariak, eta irailean, **Bang! Bang! Zinemaren** hamargarren urteurrena ospatzeko, **10 años en cartel** erakusketa zabaldu zen. **Literaktum** jaialdiaren barruan, **Markos Gimenoaren Karteletarak** izan zen kultur etxean, euskarazko palindromoz eta hitz-jokoez osatua, eta urtea **Gipuzkoako Artisten Elkartearen** Pintura eta Eskultura Sariketaren irabazleen obraren erakusketarekin bukatu zen.

Arte eszenikoak eta musika

Maiatzean, **Poltsiko Antzerkia** jaialdiaren baitan, auzoko tabernetan hiru emanaldi egin ziren:

Andoni Mutiloaren *Gora poltsiko antzerkia* Via Fora tabernan, **Material konpainiaren** *Teatro de los chinos* Aveniu tabernan, eta **Amahiru** antzerki taldearen *Duzhe Gaizki* Via Fora tabernan, berriz ere. Arte eszenikoen inguruan, haur antzerkiak leku garrantzitsua izan zuen kultur etxearen programazioan.

Urte hasieran, *Tomaxen abenturak*, *Atxis!* **Txintxeta**, **Klipa eta Txorroskilo** pailazoaren abenturak eta **Kidam magoa**, *Smile* emanaldiarekin, izan ziren Ernest Lluchen.



Duzhe Gaizki, Amahiru



Osaba untxia eta koiotearen abenturak, Ostomila Txontxongiloak

Udaberri eta uda partean, berriz, ikuskizunak auzoetako jaietara zabaldu ziren: maiatzean, Morlansen, *Magiklown* antzerkia izan zen; ekainean, Ikasbideren jaietan, **Ostomila Txontxongiloak** taldearen *Osaba untxia eta koiotearen abenturak* eta, uztailan, **Bella vita** antzerki taldearen *Menù del giorno* eta Zirika Zirkusen *Aurkitu gabeko altxorra*, biak Easo plazan, eta *Ttiki ttaka irratia* emanaldia **Erre produkzioaren** eskutik, Gregorio Ordóñez plazan. Iraileko bueltan, berriz ere **Erre produkzioak** konpainiak *Txikiringito* emanaldia egin zuen, Gabriel M. Laffite plazan.

Literaktum jaialdian, hurrek beraien espazioa izan zuten, eta **Behibi's** antzerki taldeak *Egunen batean* antzezlan eskaini zuen, Isabelle Carrieren *Lontxoren lapikoa* ipuinean oinarrituta.

Euskararen eguna ospatzeko, **Behibi's taldeak** *Ezer ez antzeztu* zuen Larrun eskolan eta, urtea amaitzeko, Eguberrietan, *Traka Matraka* saioa izan zen Amara Zaharreko frontoi estalian eta **Lanku** antzerki taldearen *Teilatupean* lana kultur etxean bertan.

Udazkenarekin batera, berriro ekin zitzaion **Erakuslehioa** zikloari eta, horren barruan, askotariko ekitaldiak egin ziren: urrian, **Mugaldekoak** taldeak *Presbiziak lagundu omen du* saioa eskaini zuen, literatura eta musika uztartuz; **Impro Impar Show** inprobisazio-saio dibertigarria osatu zuen eta **Mejillón Tigre kolektiboak** *Hitz esana* saioa eszenaratu zuen, *spoken word* formatuan. Azaroan, berriz, **Aritz Gorrotxategik** eta **Nerea Azkonak** *Señuelo* errezitala eskaini zuten, non poesia harparen soinuarekin batera esaten zen; Literaktumen barruan, **Mursegok**, *Karteletrak* erakusketaren harira berariaz sortutako kontzertua eman zuen, palindromo eta hitz-jokoz betea. Abenduan, azkenik, **Sokaire** izan zen kultur etxean, eta musika klasikoaren historiaren ibilbideari buruzko saioa egin zuen, ikuspuntu umoretsutik aztertuta.

Abesbatzen Astearen barruan, azaroan, Karmeldarren elizan, Letoniako **Lielvarde** haur abesbatzak saio oso arrakastatsua eskaini zuen.



Ezer ez, Behibi's



Mursego, Literaktum

Urrian, kultur etxeak **IV. Amara Berri egunean** parte hartu zuen, auzoko beste hainbat eragilerekin batera; besteak beste, +55, Hautxokoa eta Gaztelekua egon ziren Olaeta plazan eta, eguraldia lagun, oso goiz jendetsua izan zen.

Kultur etxeko **liburutegiak** bere egitarau sendoarekin jarraitu zuen urtean zehar; maileguak areagotu eta ikastetxeentzako bisita gidatuak maiz egin ziren. **Javier Minak** gidatutako solasaldi literarioek arrakasta berezia izan zuten, eta ezin ahaztu erabiltzaile ugari biltzen dituzten ohiko bestelako programak ere: *Zeu irakurle geu kontalari*, *Ipuinaren ordua* eta *Liburu Baby Kluba*.

Azkenik, **Gaztelekuak** eta **Haurtxokoak** sendo jarraitzen dute euren zerbitzuak ematen, eta horrela adierazten du izan zuten parte-hartze handiak. Gainera, auzoko jaietan ere oso harrera ona izan zuten: Morlansen, Super Xagu Jaietan, Amara Berri egunean edo Euskararen egunaren inguruko ekitaldietan hartu zuten parte.

JARDUERAK

22

Antzerkia (emanaldiak)
Erabiltzaileak: 2.184

0

Dantza (emanaldiak)
Erabiltzaileak: 0

4

Musika (kontzertuak)
Erabiltzaileak: 361

0

Zinema (emanaldiak)
Erabiltzaileak: 0

24

Hitzaldiak eta mahai-inguruak
Erabiltzaileak: 972

8

Erakusketak
Erabiltzaileak: 3.275

153

Bilerak eta elkarten ekitaldiak
Erabiltzaileak: 3.527

250

Liburutegiko jarduerak
Erabiltzaileak: 3.718

84

Plus 55
Erabiltzaileak: 2.776

90

Gaztelekua
Erabiltzaileak: 1.042

91

Haurtxokoa
Erabiltzaileak: 2.894

0

Bestelakoak
Erabiltzaileak: 0

Guztira
726
jarduera
20.749
erabiltzaile

ZERBITZUAK

130.342

bisitaldi
Liburutegia

0

bisitaldi
Ikasgela

3.754

bisitaldi
Gaztelekua

4.953

bisitaldi
Haurtxokoa

9.449

bisitaldi
KZgunea (Nabigazioak)

0

bisitaldi
Altzako bilduma

0

bisitaldi
Altzako bilduma web

0

bisitaldi
DK Irratia web

0

bisitaldi
Ispilu beltza magazine-podcasts

0

bisitaldi
Bideo tailerra

0

bisitaldi
Musikagela

0

bisitaldi
Musika Eskola

550

bisitaldi
Plus 55

Guztira
149.048
BISITALDI

PRESTAKUNTZA

Ikastaro-
eskaintza Osatutako
ikastaroak Erabiltzaileak Emakumeak Gizonak

GUZTIRA	348	296	3.437	2.617	820
2023-2024 IKASTAROAK	62	50	1.262	922	340
Ikasturte osokoak (2023ko urria - 2024ko maiatza)					
Egile-ikastaroak					
Euskaraz	0	0	0	0	0
Gaztelaniaz	0	0	0	0	0
Ikastaro orokorrak					
Euskaraz	19	10	131	117	14
Gaztelaniaz	30	28	920	682	238
Bigarren lauhilekoko ikastaroak (2024ko otsailean hasita)					
Egile-ikastaroak					
Euskaraz	0	0	0	0	0
Gaztelaniaz	0	0	0	0	0
Ikastaro orokorrak					
Euskaraz	1	1	19	11	8
Gaztelaniaz	12	11	192	112	80
2024-2025 IKASTAROAK	79	54	1.369	1.008	361
Ikasturte osokoak (2024ko urria-2025ko maiatza)					
Musikagela, Larrotxene Bideo, DK Irratia					
Euskaraz	0	0	0	0	0
Gaztelaniaz	0	0	0	0	0
Ikastaro orokorrak					
Euskaraz	23	12	154	133	21
Gaztelaniaz	33	32	1.046	767	279
Lehenengo lauhilekoko ikastaroak (2024ko urria-abendua)					
Musikagela, Larrotxene Bideo, DK Irratia					
Euskaraz	0	0	0	0	0
Gaztelaniaz	0	0	0	0	0
Ikastaro orokorrak					
Euskaraz	16	5	78	47	31
Gaztelaniaz	7	5	91	61	30
IKASTARO PUNTUALAK	0	0	0	0	0
Tailer, mintegi eta masterclassak					
Euskaraz	0	0	0	0	0
Gaztelaniaz	0	0	0	0	0
KZgunearen IKASTAROAK	159	149	542	501	41
BESTE ERAKUNDEAK KZgunean	48	43	264	186	78

KULTUR ETXERA egindako bisitak
Guztira 144.049